

T4996/3257(13)

壹等第貳拾壹名
承首

在院

惜陰書院

去儒之名
豈宜直斥

錢氏大昕通鑑注辨正補遺

司馬光通鑑一書注者紛紛而惟胡氏注最確至我朝錢氏大

昕因注有舛誤復作通鑑注辨正二卷其中採摭既廣精益求精

可謂無毫髮之憾然而書卷浩博易有遺亡典籍紛羅豈無闕畧

今者觀通鑑之得失推諸注之本原覺有為錢氏所已經辨正者

亦有為錢氏所未及辨正者即如漢武侯出師表云受命於敗軍

之際又云此誠臣之未解一也。按敗軍即當陽長阪之敗未解猶
言未曉。注一曰事見黃初四年。一曰解須讀懈。皆誤之甚。此錢氏
所未及。辯正而為漢紀之所當補者也。晉咸和三年陶侃討蘇峻
築白石壘。又立大業曲阿。慶亭三壘。按白石壘在城西。即指白下
言。慶亭當相距不遠。注引丁虔曰。慶亭在吳興。太元十四年徐邈
與范甯書曰。足下慎選綱紀。按綱紀主簿之職。見李善文選注。注
云。郡以僚佐為綱紀。皆非。此錢氏所未及。辯正而為晉紀之所當
補者也。宋文元嘉十三年殺檀道濟。并其子十一人。誅之。惟宥其
孫孺。按孺乃道濟少子。邕之子。名孺也。注云。惟宥其孫之在童孺
者。二十九年魯爽秀程天祚出許洛。注謂天祚為魏所獲。是年與
爽秀俱來奔。不知通鑑上云。天祚豈自魏逃歸。爽秀降宋在後。非
偕行者。此錢氏所未及。辯正而為宋紀之所當補者也。梁武天監四

四年寇賊侵淫。按侵淫猶侵淫也。漢見司馬相如傳。顏注猶漸漬。胡注以癰疽為喻。侵毒好肉為淫。未當。大通二年。爾朱榮欲討羣盜。請勅蠕蠕王發兵趨下口。按下口。幽州軍都縣有居庸關。濕餘水出上谷。溫陽縣之東南。流出關。謂之下口。注指飛狐口。非此錢氏所未及。辯正而為梁紀之所當補者也。齊主遊南苑。從臣賜死者六十人。注云齊主淫刑以逞。不知是時從官多以觸熟驟斃。所謂賜死者。當作喝死。且北齊書喝賜。嘗作喝。故知賜乃喝字之誤耳。此錢氏所未及。辯正而為北齊紀之所當補者也。唐貞觀二十年。流殃構錮。乃自運初。注謂戎狄之流殃構禍。乃自唐興運之初。豈知運初云者。即蒙上文與天地俱生二日語而言也。觀下文混元以降。即指運初以來。可知注未確鑿。此錢氏所未及。辯正而為唐紀之所為當補者也。以上數條。皆就錢氏所未及。辯正者。博採羣

書搜羅往籍其有為前人所已言者固當亟登簡冊即有為前人所未言者亦嘗證以他書至於錢氏辯正中所載之言皆不敢復贅蓋居今稽古儒者之責是非謂能匡錢氏之未逮亦曰不揣固陋聊為補遺之一助云爾

鄭漁仲結茅於夾漈山中賦

以少好讀書無涉世意為韻

有一山兮雲路迢迢烟巒聳峭聊可盤桓足供游釣得川嶽之英靈助林泉之歌嘯請迴俗士駕問誰十畝幽棲休與外人言恐引五陵年少土人告予曰此名夾漈山而為鄭漁仲讀書處也當其篤志簡篇游心典誥眺冀北而空羣倚窗南以寄傲但覺實學勤求虛聲愧盜倘比戴憑奪席自是經師若同季雅買鄰敢隨俗好爾其盼望巖阿徘徊雲麓猶獨抱幽懷惟安初服認林木之蕭疏愛岡巒之起伏吾亦自茲逝

矣三弓之隙地何嫌誰能從我遊乎百卷之遺編可讀由是
結茅於此山焉居原非陋拔本連茹我行我素吾愛吾廬室
種蕉而窗暗門插棘而籬疏休教搖被秋風毀予家室但願
賞從春雨安我琴書抱膝情娛山路崎嶇杜門自適近市何
須笑傲冲霄之鶴遐心如空谷之駒認畫境於薌林信是乃兄
不俗訪書堂於澄渚誰云知己都無徒觀其泉石親探友朋
罕接信塵世之迴殊喜素心之可愜方謂宦豈無情經疑投
捷定類彥倫應詔志在寵榮將母巢許逃名勞志跋涉而不
知竹冊間披柴扇門自閉弦誦能安簪纓何計田園留半畝之
棲風雨幸數椽之蔽他日名聞廊廟此生惟推在窮經當年迹
隱蓬蒿獨立居然遺世迄今慨慕前賢追維往事尋古寺於
深林訪敝廬於何地惟見遠樹橫青孤峯鎖翠為想蓬門暫

JUN 25 1970

隱儼同義皇上人倘教蘿徑重開定有松石間意

通鑑有北齊紀未詳何本且所補有
為錢氏所已言者而云不敢復贅豈未
檢閱元書邪賦欠妥帖